

**ԱԶԳԱՅԻՆ-ԱԶԱՏԱԳՐԱԿԱՆ ՊԱՅՔԱՐԻ ԱՆԳՐԱԳԱՐՉԸ ԱՎԵՏԻՔ  
ԻՍԱՀԱԿՅԱՆԻ «ՈՒՍՏԱ ԿԱՐՈ» ԱՆԱՎԱՐՏ ՎԵՊՈՒՄ**

/վեպի ստեղծագործական պատմությունից/

Ա.Բ.ԽՈՐԵՆՅԱՆ

Ավ. Իսահակյանի «Ուստա Կարո» վեպում /առաջին տարբերակ/ առանցքային տեղ ունի ազգային-ազատագրական պայքարի գաղափարախոսությունը՝ ի դեմս դրա հիմնական կրող Հայ Հեղափոխական Դաշնակցության: Մինչև 1903թ. Դաշնակցության նպատակը Արևմտյան Հայաստանում, ուր Հայ ժողովուրդը ենթարկվում էր ֆիզիկական բնաջնջման, ազգային-ազատագրական պայքարի կազմակերպումն էր: Ինչպես կարծում էր նորաստեղծ կուսակցությունը, այդ պայքարը պետք է եվրոպային հարկադրեր իր ուշադրությունը սեեռել Հայկական հարցի վրա և լուծում տալ գրան: 1903թ. Նիկոլայ II ցարի հրամանով Հայ եկեղեցական կալվածքների ու գույքի գրավումը և Հայկական դպրոցների փակումը, որոնք ուղղված էին Հայ հոգեկոր կյանքի ամլացմանը, Դաշնակցությանը ստիպեցին խաղաղ միջոցներով պայքարի ուղիներ մշակել նաև Հայաստանի արևելյան հատվածում՝ Ռուսական կայսրության դեմ: Այդ մասին Դաշնակցության հայտնի գործիչ Ռուբենը գրում է. «... ինչ զոհերով ալ լինի, պահել ազգային ինքնությունը, սուրբ համարել ինչ որ ազգային է, ոչ թե սուրբերուն զոհ մատուցանել, այլ թուրք և ռուս բռնակալությանց վերացման համար ոչ մեկ զոհ չխնայել»: Ռուսական կայսրության վարած քաղաքականության մասին Իսահակյանը ծրագրային գրառումներից մեկում նշում է. «Վեպի մեջ հաճախ խոսվում է ռուս պետության հայահալած գործերի մասին - դպրոցների փակում, կալվածքների գրավում, բանտ, ռուսացում, կրոնափոխություն, հող չտալ, հողը ռուսներին տալ, թուրքերին շոյում, երես տալ»<sup>2</sup>:

Վեպի իրադարձությունները տեղի են ունենում ահա այս միջնորոտում: Իսահակյանը ներկայացնում է դաշնակցության Կարսի կազմակերպությունը՝ իր կառույցներով և խնդիրներով, որոնց գործունեության հենքին խարսխված՝ հիմնականում կատարվում են գործողությունները «Նախնական»՝ գլխավոր հերոսի՝ Ուստա Կարոյի «աթոռանիստ» գյուղում: Գրառումներից մեկում Իսահակյանը մի լրացում է արել. «Նախնականը մեծ մասով դաշնակցությամբ կազմակերպված գյուղ էր. ուներ բազմաթիվ դաշնակցական երկսեռ խմբեր. Ուստան մի խմբի՝ «Ղևոնդ Երեց»՝ անդամ էր, խմբերը կազմել էին մի ենթակոմիտե, որը ենթարկվում էր Կաղզվանի կոմիտեին, Ղարսի Կ. Կոմիտեին»<sup>3</sup>: Սա հուշում է, որ Կարոյի ապրած գյուղի ընտրությունը պայմանավորված է նաև այս հանգամանքով: Իր նամակներից մեկում Իսահակյանը վեպի մասին գրում էր. «Նյութը շատ հետաքրքրական է. Շիրակի կյանքից. գյուղ ու քաղաք, շատ տիպեր,

<sup>1</sup> Ռուբեն, Հայ հեղափոխականի մը հիշատակները, Թեհրան, 1982, էջ 48:

<sup>2</sup> Գրականության և արվեստի թանգարան (այսուհետև՝ ԳԱԹ), Իսահակյանի ֆոնդ, 372-II:

<sup>3</sup> Նույն տեղում, 396-II, էջ 7:

‘Դաշնակցության գործունեությունն իբրև ֆոն, բայց բարդ կազմվածքով և համապատասխան էմ, լավ գրված»<sup>4</sup>:

Վիպի սկզբում, հենց առաջին էջերից, ուր նկարագրվում է Բագրանի իշխանների կաղամակերպած խնջույքը իր ժողովրդի կենսակերպի հին արհեստը բանեցնող, սուր ու աղբյուր կառուցող Ուստա Կարոյի պատվին, ներկա է նաև Դաշնակցության շրջիկ-քարոզիչը՝ Կայծակը: Սեղանակիցների մեծ հարսնաքր վայելող շրջիկը ոգեշունչ ճառ է ասում՝ քարոզելով ուխտագրվել հայրենիքի պաշտպանության գոհասեղանին: Նրա ճառը խոր հուզմունքով են լսում համաբավածները, իսկ Կարոյի հոգին խռովվում է, նա զգում է, որ իր մեջ ինչ-որ անսովոր, կարևոր բան է կատարվում: Ուստան սկսում է հասկանալ, որ իր կյանքը կարող է իմաստավորվել հայրենիքին ծառայելով: Բայց սա դեռ սկիզբն է, դեռ ժամանակ ու պայմաններ են անհրաժեշտ տարևրային այս մղումի իմաստավորման համար: Ծրագրային մեկ այլ դրաման մեջ Իսահակյանը նշում է. «...վեպի սկզբից ևեթ Կարոյի մեջ նշմարվի հայրենասիրությունը, որի սաղմերը զարգանան կամաց-կամաց»<sup>5</sup>: Կայծակն է այն մարդը, որը պետք է հասունացնի Կարոյի միտքը, հուզի նրա սիրտն ու հոգին, մղի նրան՝ նվիրվելու իր ժողովրդի ազատագրության պայքարին: Եվ վիպի հետագա գործողությունների ընթացքում այս բանի գիտակցումը ամրագրվում է Կարոյի հոգում: Նա շփվում է նաև Կայծակի թիկնապահների հետ, երևակայությամբ նրանց միանում կռվի դաշտում, տանում այն հերիաթային հերոսներին, որոնց հետ նրանք կռվել են կողք կողքի: Լսելով այս հերոսներին՝ Կարոն հասկանում է, որ ազգի փրկության գործը ամեն մի հայի սրբազան պարտականությունը պետք է լինի:

Վիպն անդրադառնում է ֆիդայական շարժմանը, նրա ղեկավարներին: Հայդուկային պայքարն արդեն իր անդրադարձը գտել էր Իսահակյանի ստեղծագործությունում դեռ 1896 թվականից՝ «Հայդուկի երգերից» շարքով, որի առանձին բանաստեղծություններ տպագրվում էին Դաշնակցության «Դրոշակ» ամսաթերթում՝ «Հայ գուսան» ստորագրությամբ: Աղբյուր Սևորին, Սևքարեցի Սաքոյին, Մենակին, Ավետիք Մալոյանին և մյուսներին նվիրված ստեղծագործություններն իրենց կյանքը հայրենիքին նվիրարկած հերոսների սխրանքի ու անմահության գովքն են: Նրանց բոլորին միավորում էր գաղափարի, նպատակի ընդհանրությունը: Գաղափարակիր այս հերոսի կերպարը հառնում է յուրաքանչյուր ստեղծագործությունում: Հայրենիքը և հերոսը միաձուլվել են: Ֆիդայիներից ամեն մեկը իր մեջ կրում է հայրենիքի վեհ, նվիրական կերպարը, որ դառնում է ուխտ, ինքնադրժաբերում: Նրանց սխրանքը գովերգող բանաստեղծի հոգում անմխիթար փչտ կա, քանզի պայքարի ճանապարհը նախատեսված ժամանակահատված է, որ, ավա՜ղ, փրկություն չի բերում:

Անհավասար, գոռ կռվի մեջ

Ընկալ, իմ վեհ ընկերներ՝:

Հեղինակի այս զգացողությունը պայմանավորված է շարքի ամբողջականությամբ: Եթե հիշենք Իսահակյանի՝ 1894թ. մի գրառումը «Հիշատակարանում», ուր դրսևորվում է սեփական ուժերով հայրենիքն ազատելու մտայնության նրա գնահատականը, ապա հասկանալի կլինի բանաստեղծի

<sup>4</sup> Հայրենիք, Բոստոն, 1957, N 12, էջ 4:

<sup>5</sup> Գ.Թ., Իսահակյանի ֆոնդ, 294-11:

<sup>6</sup> Ա.վ. Իսահակյան, Հայդուկի երգեր, Ե., 1990, էջ 62:

կերտած հայդուկի կերպարը՝ հերոսականության ու ողբերգականության համաձուլվածքով: «Մինչև այժմ ես այն կարծիքին էի, որ պիտի կռվել և Տաճկահայաստանը ձեռք բերել – իբրև ազատ երկիր՝ անկախ նույնիսկ ուրիշ ազգերի միջամտությունից, միայն մեր արյունի շնորհիվ, բայց Սասունի կոտորածի լուրը ինձ փոխեց. այս ճամփով տաճիկը մեզ կջնջե վերջնականապես աշխարհի երեսից, նրանք ունեն զորք, զենք, թնդանոթ և փող, իսկ մենք ոչինչ և սոված <ենք>... Նրանք մեզ հում-հում կուտեն»: Եվ ելքը գտնում է Ռուսաստանի հետ լինելու մեջ. «Պետք է ջարդել և փշրել տաճիկին հօգուտ Ռուսաստանի: Շատ-շատ լավ կլինի, որ Ռուսաստանը դնա և ողջ Հայաստանը տիրե»<sup>7</sup>:

Իսահակյանը նպատակ է ունեցել «Ուստա Կարոյում» «Հայդուկի երգերի» սկզբունքով կերտել ֆիդայու՝ Հայ ազատամարտի հերոսի իրական, պատմական նկարագիրը: Մեծ հայդուկապետի՝ Անդրանիկի անունը թուռն է հանում Կարոյի հոգին: Կայծակի թիկնապահները տեսել են, թե ինչպիսի քաջություն է նա կռվում. «Անդրանիկ ջան, Անդրանիկ, որ քարի տակ չմտավ ու հրացանը չբացեց, տեղնուտեղը փաշան փախավ...»<sup>8</sup>: Այդպես հերոսաբար կռվել են նաև Հրայրը, Թումանը, Մուրադը, Մենակը: Ողևորված Կարոն բացականչում է. «Պա՛հ...պա՛հ, ի՜նչ տղամարդիկ եք եղել, հաստատ որ ասլանի քաջեր...»<sup>9</sup>: Բայց դառնանում է Կարոն, երբ լսում է Աղբյուր Սերոբի սպանության մասին՝ «վասակ» հայի մատնությունը:

Թեպետ առաջին տարբերակում ֆիդայական պայքարի մասին սեղմ է խոսվում, սակայն Իսահակյանի ծրագրային գրառումներից պարզ է դառնում, որ հետագայում իր վեպում ազգային-ազատագրական պայքարը ընդարձակ ներկայացնելու նպատակ է ունեցել: Առանձին մի տեսողում նա վեպի համար երգեր է հավաքել, այդ թվում և ֆիդայական: «Առաջին երկրորդական տեսրակ» վերնագրված ինքնագրում գետեղված է ազատամարտիկներին նվիրված մի ձոն-բանաստեղծություն՝ «Թաթոս վարժապետի ողջերթի ոտանավորը Ուստին ուղղված»:

Դուք ժողովրդի ազնիվ զավակներ,

Սուրբ ազատության հուրն է ձեր սրտում,

Վառեք, բորբոքեք, քարեր ու սրտեր

Ձեր կյանքով շնչող մայր հայրենիքում<sup>10</sup>:

Գաղթական մի հայից՝ Ռես Հոսեից, որի կերպարի միջոցով հեղինակը կենդանի ու հավաստի է դարձնում սուգի ու արյան մեջ գտնվող երկրի վիճակի նկարագրությունը, Ուստան լսում է նաև Գևորգ Չաուչի՝ անհաղթ քաջի անունը. «էն Սասնա սարերի արծիվն է, որ կիջնա Մշու դաշտ, կը զարնե թշնամին ու նորեն կերթա, կը թռնի Անդուկա սար, ծիրին-կատար»<sup>11</sup>:

Հետաքրքիր է, որ ֆիդայիների մասին պատմությունները սովորական չեն. այդպես ժողովուրդը պատմում է առասպելը կամ էպոսը, այդպես ոչ սովորական լինում են հեքիաթի հերոսները: Սա խոսում է այն մեծ սիրո մասին, որ ուներ ժողովուրդը իր սիրելի զավակների հանդեպ: Պատմելու այս ձևը գալիս էր ժողովրդական ստեղծագործությունը՝ էպոսին անդրադառնալու Իսահակյանի փորձից: Էպոսի նմանությամբ ստեղծված «Մասսա

<sup>7</sup> Ա.վ. Իսահակյան, Հիշատակարան, Ե., 1977, էջ 94:

<sup>8</sup> Գ.Ա.Թ., Իսահակյանի ֆոնդ, 285-II, էջ 88:

<sup>9</sup> Նույն տեղում:

<sup>10</sup> Նույն տեղում, 288-II, էջ 19:

<sup>11</sup> Նույն տեղում, 291-II, էջ 83:

Մանուկի» Հերոսը նույն քաջն է, որն իր ազատագրական պայքարն է մղում բռնակալի՝ Դե Սուլթանի դեմ: Ժողովրդական էպոսի ազատատենչ Հերոսի Հոգեհարազատության պետք է կերտվեր նաև անվախ Ֆիդայու կերպարը «Ուստա Կարոյում»: Ընդհանրապես, առասպելականի՝ միֆի և իրականի միահյուսումը վեպի կառուցվածքային առանձնահատկություններից է:

Այն, որ Իսահակյանը մտադրություն է ունեցել Ֆիդայական պայքարին իր դրբում մեծ տեղ տալ, հավաստում են նաև հետևյալ գրառումները. «Ֆիդայիները պատմում են իրենց ըմբոստական կյանքից վիպական դրվագներ, որսում վայրի երեներ, հրացանների սվինները շամփուր շինած՝ խորովում են միսը: Ֆիդահու սիրած աղջիկը փախցնում են, ավերակ վանքերի մեջ պսակում՝ սուրբերը խաչ կապած, և հարսը Ֆիդահու հալածված, գինված, պտտվում է իրենց խմբի հետ, կռվում, զարկում ու դարկվում»<sup>12</sup>: Ֆիդայու՝ այլևս ինքն իրեն չպատկանելու, այլ ազգի նվիրյալ դիմելու լինելու անխախտ երդումը պայմանավորված է պատերազմական դաժան օրենքներով ու նաև Ֆիդայու բարոյական նկարագրով. սա իր արանահայտությունը պետք է գտներ հոգեի մի պատմություն մեջ, ուր «քաջ, ասպետական, ազնիվ, անձնվեր, սուրբ մարդ» սաստնացի թորոն, որ Գևորգ Չաուշի խմբից էր, ստիպված էր իր սիրած կնոջ՝ Շուշույին սպանել, որովհետև անհայտն է թշնամու կողմից պաշարված, այրվող տնից հիվանդ կնոջը դուրս բերել: Նրբ մեկն է, և Չաուշի հրամանը թորոն պետք է կատարի: Ֆիդայու կինը իր տղամարդու սրտի և հոգու հավատակիցն է՝ Շուշուն համոզում. «Համոզում եմ, որ փրկվելու է իր պատիվը, և օրհնում նրան: «Ազգի համար մատաղ արեց իր սերը»<sup>13</sup>, - գրում է Իսահակյանը:

Հերոս Ֆիդայիների մասին պատմությունները ուղեկցվում են Կաթակի և Դաշնակցության մյուս ներկայացուցիչների ճառերով, որոնք վառում են Կարոյի երևակայությունը: Իր ոգեշունչ խոսքում, հիշատակելով նրանց անունները, անմահ փառքը՝ շրջիկը նշում է այն ճանապարհը, որ տանում է դեպի անմահություն: Դա հայրենիքի և ազատության ճանապարհն է. «Նրանց անունները աստղերի պես հավիտյան կապրեն և կիպեն ազգի գլխի վերևը, որովհետև նրանք աղբյուր եղան ուրիշի համար, որ անուշ երգերով պիտի երթան հավիտյան՝ գաշտերը կենդանացնելով: Այստեղ է ասել Նիկոն-մահ կա՝ մահ է, մահ կա՝ անմահություն է»<sup>14</sup>: Անմահության այս զգացողությունը Կարոն ունենում է Անիում, երբ հաղորդակից է լինում իր հոգևոր սկզբին, հոգևոր գոյի իր ակունքներին՝ իր պատմությանը, ոգեղեն արժեքներին, և նրա մեջ արթնանում է ցեղի, ազգի ինքնագիտակցումը: Կածակը հասկանում է, որ գործ ունի ներքին մեծ ուժ ու հավատի տեր մարդու հետ, մարդու այն տեսակի, որը կարող է գաղափարի նվիրյալը լինել: Թեև Կարոն մինչ այդ արդեն եղել էր Անիում, սակայն ենթակոմիտեի անդամներ Հովակի, Թաթոսի և մյուսների հետ այցելությունը բոլորովին նոր իմաստ է ձեռք բերում: Անիի գեղեցկությունը և ողբավեր վիճակը վեհացնում ու դառնացնում են Կարոյի հոգին: Իր անանուն լուծության մեջ Անի քաղաքն է՝ հայի տառապանքի ու ոգեղենության խորհրդանիշը:

<sup>12</sup> Նույն տեղում, 327/չ-II:

<sup>13</sup> Նույն տեղում, 372-II:

<sup>14</sup> Նույն տեղում, 397-II:

- Պարոն Կայծակ, ու՞մ չորացած ձեռքն է քանդել մեր Անին,- հարցնում է Կարոն:

- Ռուսի, թուրքի, թաթարի, քրդի<sup>15</sup>:

Կարճ ու միանշանակ այս պատասխանը մեր ցավի ու երթի դաժան պատմությունն է: Սրբացած Անիի ավերակ եկեղեցուն համահունչ է Կայծակի սրտաբուխ խոսքը, որ ասվում է այն քաջերի մասին, որոնք նահատակի անունն ունեցան: Թախծով լի՝ նա իր բաժակը բարձրացնում է նրանց սուրբ հիշատակի համար. «Այս նվիրական վայրում խմենք հայ նահատակների հոգու անմահություն թասը: Տա՛ աստված, որ զուր չկորչի մեր ծովերով թափած արյունը»<sup>16</sup>:

Նահատակների հոգու անմահություն թասը խմող Կայծակի երկրորդ միտքը ծնվել է հեղինակի խոհ-կասկածից. արդյո՞ք նրանց թափած արյունը իր նպատակին կհասնի: Կայծակի խոսքին հետևում է Թաթարի լրացումը նաև նրանց մասին, ովքեր գտնվում են թուրքական բանտերում. «-Այո, սուրբ է գաղափարի համար բանտերում փտելը, գնդակահար լինելը - մեր ուխտն է դա, մեր խաչը»<sup>17</sup>:

Անիի սրբազան եկեղեցում Կարոն զգում է իր նախնիների, իր արյան կանչի մեծ ուժը: Անիին հաջորդում է Գյումրին, ուր հերոսը ներկա է լինում դաշնակցականների ժողովին: Այստեղ հայ կնոջ ներշնչող երգից հետո՝

- Գնա՛, եղբայր, աստված քեզ հետ,

Ազգի սերը քաջալեր,

Գնա՛, թեև չեմ կարող գալ.

Բայց իմ հոգին քեզ ընկեր...<sup>18</sup>,

Կարոն հասու է դառնում անբեկանելի մի ճշմարտության. «Մարդ մի անգամ պիտի մեռնի, երանի ազգի համար մեռնողին»<sup>19</sup>:

Առաջին տարբերակում, ինչպես նաև այլ գրառումներում, հեղինակը իր հերոսներից մեկի միջոցով քննադատում է նաև քրիստոնյա աշխարհին՝ եվրոպային: Գաղթական Ռեսը պատմում է Կարոյին, որ թուրքերը հայերին կոտորեցին ու մորթեցին խաչապաշտ ազգերի աչքի առաջ: Այդ բոլոր սարսափները տեղի ունեցան ի տես եվրոպական պետությունների, և նրանք անհոգաբար զոհաբերեցին մի բուռ ժողովրդի: Հայ բնաշխարհի մի անկյունում ապրող անուս գեղջուկի մտածողության մեջ ու ընկալումներում, իհարկե, այս հարցը չէր կարող տեղավորվել: Եվ եթե առաջին տարբերակում իսահակյանը փորձել է Ռեսի լեզվամտածողությանը հարմարեցնել քննարկվելիք նյութը. «Էդ անաստվածները մատը մատին չզարկեցին մեզի օգնելու, կանգնել էին թամաշա, իրենց փեշի տակ ապաստանող որբին տալիս էին ասկյարի ու քրդի ձեռքը»<sup>20</sup>, ապա գրառումներից մեկում այս միտքը արտահայտում է Դաշնակցության կողմից գյուղում նշանակված վարժապետը: Մեկ ուրիշում՝ Կայծակը: Այսօրինակ մտայնության շարունակությունն են նաև գլխավոր հերոսի՝ Կարոյի դատողությունները՝ հայ ժողովրդի դարավոր տառապանքի, ցավի ու գալիքի անորոշությունից ծնված: Հեղինակը հետազայում սա նույնպես որոշել էր մտցնել Կայծակի

<sup>15</sup> Նույն տեղում, 285-II, էջ 189:

<sup>16</sup> Նույն տեղում, էջ 193:

<sup>17</sup> Նույն տեղում:

<sup>18</sup> Նույն տեղում, 285-II, էջ 213:

<sup>19</sup> Նույն տեղում:

<sup>20</sup> Նույն տեղում:

նաուի մեջ՝ իբրև կրթված, զարգացած և Դաշնակցության գաղափարախոսությունը կրող մարդու մտածողություն: Այդ հատվածը Իսահակյանը պայմանականորեն վերնագրել է « Իմ ժողովուրդ, Հոբ Երանելու նման...»: Հերոսը մտովի դիմում է ժողովրդին, որը կրում է իր ծանր խաչը՝ չկորցնելով հավատի ու հույսի աստվածային համբերությունը, որով էլ նմանվում է Աստվածաշնչի Հոբ Երանելուն: Եվ գուցե, իբրև արարչի վարձատրություն այս ծով համբերության, կգտնվի փրկության ու արդարության օրը. «Եվ անխորտակելի ու անմահ հավատով սպասում ես հարության փողի հրաշավառ կոչին, երբ որդիներդ վեր նետեն գերեզմանների քարերը, պիտի խորտակեն բանդ ու շղթա, պիտի սուրան քեզ մոտ, և պիտի գոցվին վերքերիդ խոցերը, և միասին պիտի ներբողենք փրկության և առողջության մեծ օրը»<sup>21</sup>:

Հետագայում վեպի այս հատվածը՝ իր ժողովրդի դաժան ճակատագրի նմանօրինակ փրկափայտական խորհրդածությունը, դարձավ առանձին ստեղծագործության նյութ. 1934թ. Իսահակյանը գրեց «Հոբ Երանելու ծուրը: Դանկրեմ Սլեմանը» պատմվածքը:

1915-20-ական թվականները Հայաստանի համար կորուստներով ու ողբերգականությամբ լիցուն եղան: Հզոր տերությունների քաղաքական խաղերում տանուլ տված Հայաստան աշխարհը ամփոփվեց մի թզաչափ տարածքի մեջ: Հայրենի երկրի օրհասին վկա եղած բանաստեղծի աշխարհայայրում շատ բան փոխվեց, փոխվեց նրա վերաբերմունքը հայ քաղաքական կուսակցությունների հանդեպ, որն էլ արտացոլվեցվեպի կառուցվածքում ու ծրագրային գրառումներում: Որոշ գրառումներում Իսահակյանը բացասական վերաբերմունք է դրսևորել նաև Դաշնակցության նկատմամբ, սակայն այս ամենը գոյություն ունի է ազգային քաղաքականության՝ Իսահակյանի փրկափայտական մտորումներում, իսկ ազգային-ազատագրական պայքարին նվիրված աղյուսակ հոգիների հանդեպ մեծ սերը մարմնացավ նրա ստեղծագործության մեջ:

## ОТРАЖЕНИЕ НАЦИОНАЛЬНО-ОСВОБОДИТЕЛЬНОЙ БОРЬБЫ В НЕОКОНЧЕННОМ РОМАНЕ АВЕТИКА ИСААКЯНА „УСТА КАРО“

(из истории создания романа)

А.Б.ХОРЕНЯН

Р е з ю м е

В творчестве Ав. Исаакяна особое место занимает неоконченный роман „Уста Каро“. В первом варианте романа и плановых записях отражена идеология национально-освободительного движения, к которой приходит и главный герой романа Каро. Исаакян хотел отобразить на страницах романа образы фидая и их борьбу.

<sup>21</sup> Նույն տեղում, 288-11, էջ 19: